

PRÆFATIO.


En tibi, Lector benevole, acta Sacrorum secularium
pridie iduum Octobris, ob centesimum ab in-
augurata Academia natalem divinitus nobis anno su-
periore concessum, sicut oportebat, celebratorum;
non omnia illa quidem, velut ex ipsa narratione fe-
sti secularis his monumentis præfixa facile intelli-
gi potest, sed præcipua tamen, quæque primo potissi-
mum religiosæ solennitatis hujus die contigerunt, ad
gratæ mentis ac pietatis nostræ sinceritatem primum
IMMORTALI DEO illiusque adorando numini, ac de-
inceps clementissimo potentissimoque REGI NOSTRO,
Ejusque serenissimis MAJORIBVS ob præstita tam diu-
turnæ conservationis & tutelæ beneficia testifican-
dam, & inter eos quoque divo illi gloriosissimi no-
minis Heroi, Academiae hujus Conditori, FRIDE-
RICO GVILIELMO, re & appellatione verè Magno;
cujus memoria, ut orbi terrarum universo ob vir-
tutes, quantæ in ullum vel Principem, vel homi-
nem quemcunque alium cadere possunt, toga sago-
que maximas dudum in stuporem & admirationem
rpto,

rapto, ita nobis præcipue, totique huic regioni ac
 Academiæ ob peculiarem indulgentiam debet esse
 sanctissima. Ne plura ceterorum dierum Acta te-
 cum communicarentur, non negligentia cuidam,
 sed partim ardentissimo quorundam desiderio, cum
 aliqua propemodum exostulatione conjuncto, ea
 videlicet cognoscendi legendique, quæ ipso festi se-
 cularis die dicta factaque fuissent, partim ipsorum
 Patrum Academicorum judicio tribuendum est, ita
 scilicet subductis rationibus statuentium, fatius esse,
 si omnibus, quæ ad inutilem ostentationem perti-
 nerent, quæque singulis annis ita sæpe recurrerent,
 ut nemini possent nova vel incognita videri, recisis
 atque amputatis, ea potissimum exhiberentur, un-
 de fata ipsius Academiæ innotescerent, eorumque
 memoria posteritati commendaretur. Mediam ita-
 que viam nobis terendam esse duximus, operam da-
 re volentibus, tum ne apparatus omnis, ut ita lo-
 quamur, in meros fumos & cineres dispergeretur,
 nullo fructu, qui in posteros rerum suarum & præ-
 cedentium temporum curiosos redundaret, super-
 stite, tum ne nimia mole multis insuper emblematis
 instructa oculos potius intuentium pascere,
 quam solos legentium animos detinere voluisse vide-
 remur. Ad humanissimas exterarum Academiarum
 epistolas responsorias quod attinet, eas servato ini-
 tialium literarum ordine tales repræsentavimus, qua-
 les

les accepimus, relicta unicuique orthographia sua, quæ singulis arrisit. Si unius alteriusve Literæ in hac Sylloge non conspiciantur, non illud nostræ negligentia, sed alterius nescio cuius incuriæ, per quam evenit, ut in manus nostras non inciderint, imputandum esse scito. Nobis officii & humanitatis ratio unicuique, sicut decebat, diligenter præstita satis superque constat. Sphalmata typographica & pauca fore speramus, & fere hujusmodi, ut à quovis mediocriter attendente facile emendari queant. Unum alterumque, quod inter relegendum occurrebat, licet & ipsum sit levissimum, hic annotare placuit. Pag. 2. lin. 5. pro *ipse* lege *ipsa*. Pag. 32. in Notis lin. 2. pro *obversatas* lege *obversatas*. Pag. 53. lin. 32. lege *würden*. Pag. 68. lin. 6. post *Berg*, adde nomen *Wilhelm*. Ibid. lin. 31. post vocem *sage* adde *ich*. Pag. 116. lin. 26. pro *Paretonias* lege *Parætonias*. Pag. 117. lin. 3. pro *feroces* lege *feroces*. Vale, Lector humanissime, cælesti Gratia, omnis solidæ eruditionis ac pietatis scaturigini, ejusque benedictioni nobiscum commendatus. Scribebam Duisburgi ad Rhenum, V. iduum Martii, ANNO MDCC LVI.

OTRIH


SERI-



SERIES EORVM,

Quæ hoc Volumine continentur.

- Joann. Hildebrandi Withofii Historia Festivitatæ Secularis in Academia Duisburgensi celebratæ.
- Ejusdem Carmen Seculare, simul hujus temporis tot terræ motibus per univèrsam fere orbem memorabilis faciem repræsentans.
- Ejusdem Programma, quo Academia Sacra secularia indicuntur.
- Petri Janssen Gedächtniß- und Danck-Predigt in der grossen Kirche zu Duisburg gehalten.
- Joann. Hildebrandi Withofii Oratio Panegyrica in Festo seculari Academiae Duisburgensis habita, brevem simul totius Academiae Historiam comprehendens; cui additus est
- Syllabus omnium eorum, quibus Fasces Academici elapso seculo commissi fuerunt; item
- Series omnium Academiae Duisburgensis Professorum juxta Facultates dispositorum.
- Elenchus laborum in Universitate Duisburgensi cum hodierna ejus facie.
- Epistola Academiae Duisburgensis ad exteras per Germaniam Academiae Evangelicas, aliaque illustria Lycea, Sacrorum secularium nuntia.
- Epistolæ Academiarum exterarum & Gymnasiorum responsoriæ juxta ordinem Alphabeti digestæ, interque eas Jo. Christiani Wernsdorfii h. t. Prorektoris in Academia Helmestadiensis Programma de Civitatibus Asiæ *Νεωνόροις*, honori Academiae Duisburgensis datum.
- Andreas Watsons Spuren der göttlichen Vorsehung in Gründung des Duisburgischen Musensitzes; besungen in der Königl. Deutschen Gesellschaft zu Königsberg.
- Ode auf das frohe Jubel-Fest der Universität Duisburg.
- Narratio brevis Inaugurationis ante centum annos factæ.



HISTO-